



Կանոններում գործածվող հիմնական եզրույթներ և հասկացություններ

Սույն կանոններում գործածվող հիմնական եզրույթներն ու հասկացությունները սահմանվում են հետևյալ կերպ:

- ՀՀ կրթության, գիտության, մշակույթի և սպորտի, ԱՀ կրթության, գիտության և սպորտի նախարարություններ, ՀՀ վարչապետի աշխատակազմի սփյուռքի գործերի գլխավոր հանձնակատարի գրասենյակ – Պետական մարմիններ, որոնց հովանու ներքո է իրականացվում մրցույթը Հայաստանի Հանրապետությունում, Արցախում և սփյուռքում:
- «Այբ» կրթական հիմնադրամ – Մրցույթի բացառիկ կազմակերպիչը ՀՀ-ում, Արցախում և սփյուռքում (Երևան 0037, Ազատության 1/21, (077) 01-08-63, meghu@ayb.am, contests@ayb.am, www.meghu.am):
- Մարզային համակարգողներ – Մրցույթի աշխատանքային խմբի անդամներ՝ «Այբ» հիմնադրամի աշխատակիցներ, ովքեր անմիջականորեն զբաղվում են մրցույթի կազմակերպչական հարցերով: Համակարգողների տվյալները տրված են www.meghu.am կայքում և մրցույթի իրազեկման նյութերում:
- Դպրոց – «Մեղու» մրցույթին մասնակցության հայտ ներկայացրած կրթական հաստատություն՝ դպրոց, քոլեջ, կրթական ծրագիր (սփյուռքի որոշ կառույցներ):
- Դպրոցի պատասխանատու – Դպրոցի լիազորած աշխատակից, որը համակարգում է դպրոցում մրցույթի կազմակերպման հետ կապված բոլոր աշխատանքները: «Այբ»-ը և մարզային համակարգողները կապ են պահպանում անմիջապես դպրոցի պատասխանատուի հետ:
- Առցանց վճարում – Մրցույթին մասնակցելու համար վճարումներ կարելի է անել նաև հենց մրցույթների հարթակից: Հարթակում հնարավոր է վճարել ընտրելով առցանց բանկային փոխանցումը քարտի միջոցով:
- Մասնակիցներ – 3-12-րդ դասարանցիներ, ովքեր մինչև հայտարարված վերջնաժամկետը սահմանված կարգով գրանցվել են մրցույթին մասնակցելու համար, և նրանց մասնակցության համար վճարում է կատարվել:
- Հուշանվերներ – Մրցույթի բոլոր մասնակիցներին տրվող Էլեկտրոնային նվերներ, որ ուղարկվում են մասնակցի՝ հարթակում գրանցվելիս նշած Էլ. հասցեին:
- Մրցանակներ – Արդյունքների ամփոփումից հետո բոլոր մասնակիցներն Էլփոստով ստանում են մասնակցության Էլեկտրոնային հավաստագրեր, որ փաստում են վաստակած միավորը, իսկ մրցանակակիրներին շնորհվում են խրախուսական մրցանակներ: Մրցույթին մասնակցության հայտ ներկայացրած դպրոցները ստանում են մասնակցության հավաստագիր (Էլեկտրոնային):
- Մրցույթի մրցանակակիրներ – Մրցույթն ունի երկու կարգի մրցանակակիր՝ *հաղթող* և *լավագույն*: Հաղթող և լավագույն անվանակարգերում մրցանակակիրների միավորների շեմերը որոշվում են տվյալ տարվա բոլոր մասնակիցների վերջնական արդյունքների ընդհանուր հաշվետվության հիման վրա:
- Մրցույթի մասնակցության հայտ – Դպրոցի կողմից լրացված և մինչև հայտարարված վերջնաժամկետը «Այբ» հիմնադրամ ուղարկված Էլեկտրոնային հայտ: Դպրոցը մասնակցում է մրցույթին միայն նշված ժամկետում հայտը ներկայացնելու դեպքում: Հայտի հետ պետք է

պարտադիր ուղարկվեն մասնակիցների ցուցակը և վճարման անդորրագրերի Էլեկտրոնային նմուշները (Էլեկտրոնային անդորրագիր, թղթային տարբերակի լուսանկար, տեսապատճեն): Մրցույթին կարող են մասնակցել բոլոր կրթական կառույցները, որոնք ունեն մեկ և ավելի աշակերտ:

- **Մասնակիցների ցուցակ** – Մասնակից աշակերտների ցուցակ, որը կազմվում է դպրոցում: Ցուցակում ներառվում են մրցույթին մասնակցել ցանկացող բոլոր աշակերտները, որոնք ներկայացրել են մասնակցության վճարի անդորրագրերը՝ տրված բանկից (նաև առցանց վճարման Էլեկտրոնային անդորրագրերը, եթե վճարվել են առցանց բանկինգի միջոցով) կամ Easy Pay, TelCell տերմինալներից: Մասնակիցների ցուցակի Էլեկտրոնային տարբերակն ուղարկվում է հայտի հետ contests@ayb.am կամ meghu@ayb.am Էլ. հասցեին: Եթե վճարումն արվել է test.contests.am հարթակից, անդորրագիր ուղարկելու կարիք չկա:
- **Մրցութային փաթեթ** – Տվյալ տարվա թեստային առաջադրանքների տարբերակներ՝ նախատեսված հինգ տարիքային խմբերի համար: Մրցույթի օրն առցանց հարթակ մուտք գործած յուրաքանչյուր մասնակցի համար մրցույթի մեկնարկից հետո հասանելի են լինում միայն իր տարիքային խմբի համար նախատեսված առաջադրանքները: Բոլոր տարիքային խմբերի առաջադրանքները չկրկնվող են:
- **Դպրոցի ծածկագիր** – Դպրոցին «Այք»-ի կողմից շնորհվող թվային անփոփոխ ծածկագիր (բոլոր տարիների համար), որը կարող եք գտնել www.meghu.am կայքում կամ իմանալ մարզային համակարգողներից: Այս ծածկագիրը նշվում է դպրոցի հայտն ու մասնակիցների ցուցակը լրացնելու, նաև տերմինալներով վճարում կատարելու ժամանակ:
- **Մրցույթի առցանց հարթակ** – Առցանց հարթակ (test.contests.am), որտեղ անցկացվում է մրցույթը: Մրցույթին մասնակցելու համար վճարում կատարած աշակերտներն այս հարթակում գրանցվում են, մուտք գործում համակարգ, մասնակցում մրցույթին, թեստը լրացնում նշելով յուրաքանչյուր հարցի համար առաջարկվող 5 պատասխաններից նախընտրելի ճիշտ տարբերակը, ավարտված աշխատանքը հաստատում և ուղարկում ստուգման: Իր դպրոցում գրանցվել չհասցնելու դեպքում աշակերտը կարող է ինքնուրույն գրանցվել նաև test.contests.am հարթակում: Հարթակում գրանցման երկու տարբերակ կա:

Տարբերակ 1. Մասնակիցն ինքնուրույն կամ ծնողի օգնությամբ գրանցվում է հարթակում: Այս տարբերակն ընտրելիս պետք է մտնել հարթակ, սեղմել «Գրանցվել» կոճակը և լրացնել բոլոր դաշտերը՝ հետևելով այս ուղեցույցին՝ <https://www.youtube.com/watch?v=CbeVM44-uv0&feature=youtu.be>:

Տարբերակ 2. Դպրոցի մասնակցության ցուցակներում նախապես ներառված աշակերտները նույնպես պիտի գրանցվեն այս հարթակում, որպեսզի կարողանան մրցույթի օրը մուտք գործել և անցնել մրցութային թեստը: Գրանցվելու համար կարող եք դիտել այս ուղեցույցը՝ <https://www.youtube.com/watch?v=MN4tsAE8PvE&feature=youtu.be>:

1. Մրցույթի մասնակիցները

- 1.1. Մրցույթի հիմնական նպատակը դպրոցականների ամենալայն շրջանում հայերենի հանդեպ հետաքրքրության խթանումն է, ուստի մրցույթին կարող են մասնակցել 3-12-րդ դասարանցի բոլոր ցանկացողները: Մրցույթի առաջադրանքների տարբերակները բաժանված են ըստ հինգ տարիքային խմբերի՝ 3-4-րդ, 5-6-րդ, 7-8-րդ, 9-10-րդ և 11-12-րդ դասարաններ: **Որևէ նախնական ընտրություն կատարելը, որևէ աշակերտի կամքին հակառակ նրան մրցույթին**

մասնակցելուց զրկելը, մասնակցությունը պարտադրելը կամ որևէ կերպով նրա մասնակցությանը խոչընդոտելը դեմ են «Մեղու» մրցույթի սկզբունքներին և անընդունելի են:

1.2. Ովքեր կարող են մասնակցել մրցույթին

- Մասնակցության հայտ ներկայացրած դպրոցի 3-12-րդ դասարանների աշակերտներ, որոնք վճարման անդորրագրերը ներկայացրել են դպրոց, նրանց անունները ներառված են դպրոցի տրամադրած ցուցակում, իսկ վճարման անդորրագրերի լուսանկարները կամ տեսապատճենները հայտի և մասնակցության ցուցակի հետ ուղարկվել են contests@ayb.am կամ meghu@ayb.am Էլեկտրոնային հասցեին: Այս աշակերտները սահմանված ժամկետում պետք է գրանցվեն մրցույթի առցանց հարթակում, որպեսզի մրցույթի օրը մուտք գործեն և մասնակցեն:
- 3-12-րդ դասարանների աշակերտներ, որոնք չեն ներկայացրել անդորրագիրը դպրոց, այլ անմիջականորեն գրանցվել են մրցույթի առցանց հարթակում անդորրագրի լուսանկարը կամ լուսապատճենն ուղարկելով contests@ayb.am կամ meghu@ayb.am Էլեկտրոնային հասցեին:
- 3-12-րդ դասարանների աշակերտներ, որոնք անմիջականորեն վճարել են մրցույթի առցանց հարթակում ինքնուրույն գրանցվելով այնտեղ:

2. Մրցույթի անցկացումը

2.1. Հայաստանի Հանրապետությունում և Արցախում մրցույթի բացառիկ կազմակերպիչը «Այբ» կրթական հիմնադրամն է: Մրցույթն իրականացվում է ՀՀ-ում ՀՀ կրթության, գիտության, մշակույթի և սպորտի նախարարության (<https://escs.am/am>), սփյուռքում ՀՀ վարչապետի աշխատակազմի սփյուռքի գործերի գլխավոր հանձնակատարի գրասենյակի, իսկ Արցախում՝ Արցախի Հանրապետության կրթության, գիտության և սպորտի նախարարության հովանու ներքո:

2.2. Մրցույթի կազմակերպման աշխատանքներում ներգրավված են «Այբ» կրթական հիմնադրամը, մարզային համակարգողները և մասնակից դպրոցները: Յուրաքանչյուր մասնակից դպրոց հենց ինքն է նշանակում **դպրոցի պատասխանատուին**, որը համակարգում է մրցույթի կազմակերպման աշխատանքները (աշակերտների տեղեկացում մրցույթի մասին, մասնակիցների ցուցակի, դպրոցի հայտի կազմում):

2.3. Յուրաքանչյուր մասնակից աշակերտ (անկախ մրցույթի արդյունքներից) և մասնակից դպրոց ստանում է **մասնակցության Էլեկտրոնային հավաստագիր**:

2.4. 2020 թ. դեկտեմբերի 13-ին կանցնի փորձական թեստը, որին առանց գրանցման կարող է մասնակցել և հարթակը փորձարկել ցանկացած մասնակից:

2.5. 2020 թ.-ին մրցույթը կանցկացվի դեկտեմբերի 20-ին հետևյալ ժամերին (Երևանի ժամանակով).

3-4-րդ դասարաններ՝ 11:00-ից 12:15:

5-12-րդ դասարաններ՝ 14:00-ից 15:15:

Սփյուռքի համար հասանելի կլինեն նաև հետևյալ ժամերը (Երևանի ժամանակով).

3-4-րդ դասարաններ՝ 18:30-ից 19:45:

5-6-րդ դասարաններ՝ 18:30-ից 19:45:

- 2.6. Դպրոցի պատասխանատուն մրցույթի մասին տեղեկացնում է աշակերտներին, գրանցում մասնակիցներին «Մասնակիցների ցուցակ» հատուկ նիշքում (file), հավաքում վճարման անդորրագրերը (բնօրինակներ, պատճեններ), կազմում և ուղարկում դպրոցի Էլեկտրոնային փաթեթը՝ դպրոցի հայտը, «Մասնակիցների ցուցակի» վերջնական Էլեկտրոնային տարբերակը, վճարման անդորրագրերի լուսանկարները կամ լուսապատճենները contests@ayb.am Էլ. հասցեին: Մասնակիցները նաև կարող են գրանցվել ինքնուրույն՝ մրցույթի առցանց հարթակում:
- 2.7. Մրցույթն անցկացվում է առցանց՝ test.contests.am հարթակում: Մրցույթի մասնակիցը համացանցին հասանելիություն ունեցող որևէ թվային սարքի միջոցով (հեռախոս, համակարգիչ, պլանշետ) **գրանցվում է հարթակում գրանցվել կոճակի վրա սեղմելով և հաջորդական քայլերով լրացնում պահանջվող տվյալները:** Տվյալների մեծ մասը (մարզ, համայնք, դպրոց, անուն-ազգանուն) պետք է ընտրել, իսկ մնացածը մուտքագրել՝ **գործող Էլ. հասցե, ծննդյան վկայականի համար** (անհրաժեշտ է մասնակցին անհատականացնելու համար), հեռախոսահամար, **գաղտնաբառ** (սա պետք է հիշել ամենայն ճշգրտությամբ, որպեսզի մրցույթի օրը մուտք գործելիս խնդիրներ չառաջանան): Եթե մասնակիցը չի ներառվել դպրոցի ցուցակում և գրանցվում է անմիջապես հարթակում, ապա այս դեպքում պետք է մուտքագրի նաև այլ տվյալներ, օրինակ՝ անուն-ազգանուն-հայրանունը:
- 2.8. Մրցույթի օրը մասնակիցները պետք է մուտք գործեն հարթակ, որտեղ նշված ժամին հասանելի կլինեն առաջադրանքները: Մրցույթի ընթացքում մասնակիցը պետք է մենակ լինի սենյակում, որպեսզի կարողանա կենտրոնանալ առաջադրանքների կատարման վրա և հնարավորինս չշեղվի՝ կորցնելով թանկարժեք ժամանակը: Եթե դա անհնար է, ապա ընտանիքի անդամները պետք է պահպանեն լռություն, չմիջամտեն, չխանգարեն մասնակցին ինքնուրույն աշխատել: **Հիշեցնենք, որ մրցույթի հեղինակությունն ու արդյունքների ճշտությունը կախված են մրցույթի անցկացման պատշաճությունից:**
- 2.9. Մրցույթին նույն ընտանիքի մեկից ավելի երեխաների մասնակցության դեպքում նրանք պետք է օգտվեն տարբեր սարքերից (խիստ ցանկալի է, որ գտնվեն տարբեր սենյակներում), աշխատեն ինքնուրույն, խուսափեն խորհրդակցելուց, միմյանց չխանգարեն:
- 2.10. Մրցույթի ժամանակ ցանկալի է չծանրաբեռնել համացանցային կապը այդ պահին ոչ հրատապ այլ գործողություններով: Օրինակ՝ երբ մասնակիցը թեստ է լրացնում, ցանկալի է այդ պահին չնայել առցանց ֆիլմ կամ տեսահոլովակ, չխաղալ առցանց խաղեր և չանել այլ գործողություններ, որոնք կարող են խափանել կամ դանդաղեցնել համացանցային կապը:
- 2.11. Մրցույթի ընթացքում **նույն մասնակցի տվյալներով չի կարելի մուտք գործել հարթակ մեկից ավելի թվային սարքերով, այլապես համակարգը դրանք կասկածելի է համարում և մասնակցի աշխատանքը խափանում:** Մրցույթի 75 րոպեների ընթացքում պարտադիր է ինքնուրույն աշխատելու համար անհրաժեշտ պայմանների, անխափան համացանցային կապի ապահովումը: **Հուշումները, այլ աղբյուրներից (ներառյալ համացանցային) օգտվելը, միջամտությունները, խոսելն ու քննարկումները խստիվ արգելվում են:**
- 2.12. Մրցույթի կանոնները գետեղված են հարթակում, և գրանցվելիս պետք է ծանոթանալ դրանց բովանդակությանն ու հաստատել դա: Մրցույթի առաջադրանքների կատարման համար հատկացվում է ուղիղ **75 րոպե:** Այս ժամանակը հաշվարկվում է այն պահից, երբ հարթակում առաջադրանքները մասնակիցներին հասանելի են դառնում: 75 րոպե հետո մրցույթն ավարտվում է, և թեստը դառնում է անհասանելի, մասնակցի նշած պատասխանները պահպանվում են և ուղարկվում ստուգման:

2.13. Հարթակում գրանցվելիս որպես օգտանուն պետք է մուտքագրել գործող էլ. հասցե, որին հենց այդ պահին ուղարկվում է գրանցումը հաստատող նամակ: Նամակը պետք է բացել և հաստատել այն նույն սարքով, որով կատարվում է գրանցումը: Հետագայում այդ էլ. հասցեն կապի միջոց է դառնում «Այբ» հիմնադրամի և տվյալ մասնակցի միջև:



Հարթակում նախապես գրանցված և մուտք գործած մասնակիցը մրցույթի մեկնարկից հետո, «Թեստեր» բաժնից ընտրելով «Անցնել թեստը» հրահանգը, ստանում է թեստային առաջադրանքները կատարելու հնարավորություն: Այդ պահից հաշվարկվում է մրցույթի ժամանակը՝ 75 րոպե:

2.14. Խորհուրդ եւք տալիս մասնակիցներին երկար կանգ չառնել մեկ հարցի վրա, եթե դրան պատասխանել չի հաջողվում: Նպատակահարմար է անցնել հաջորդ հարցին, ապա վերջում վերադառնալ չլուծված հարցին: Երբ մասնակիցը հարթակում ընտրում է «Անցնել թեստը» հրահանգը, Էկրանի վերևում սկսվում է 75 րոպեի հետհաշվարկը, և մասնակիցը կարող է ավելի ճշգրիտ կառավարել իր ժամանակը:

2.15. Յուրաքանչյուր հարց ունի պատասխանի հինգ տարբերակ, որոնցից միայն մեկն է ճիշտ: Ուստի մասնակիցը նշում է տվյալ հարցի ներքևում առկա պատասխանի 5 տարբերակներից միայն մեկը: Եթե մասնակիցը որևէ հարցի պատասխանի տարբերակներից ոչ մեկը չի նշում, ապա հարցը համարվում է չլուծված: Չլուծված հարցի համար միավոր չի հանվում:

2.16. Թեստը մասնակցին հասանելի դառնալուց և ժամանակի հետհաշվարկի սկզբից ուղիղ 75 րոպե հետո մրցույթն ընդհատվում է, և թեստը համարվում է ավարտված: Եթե ինչ-որ պահից սկսած տեխնիկական խափանումներ են լինում մասնակցի մոտ, ապա մինչ այդ պահը նրա լրացրած պատասխանները պահպանվում են հարթակում: Կապի վերականգնումից հետո նա կարող է վերադառնալ համակարգ, սակայն այդ դեպքում նա կորցրած կլինի թեստի համար հատկացված ժամանակը կամ դրա մի մասը:

3. Արդյունքների ամփոփում

3.1. Բոլոր մասնակիցների աշխատանքները հարթակից ելքագրվում են հատուկ համակարգչային ծրագիր, որի միջոցով իրականացվում է ստուգումը: Աշխատանքների ստուգումը տևում է առնվազն մեկուկես ամիս, որից հետո մոտ մեկ շաբաթվա ընթացքում ձևավորվում են ընդհանուր ցուցակներ՝ ըստ տարիքային խմբերի: Այդ ցուցակների հիման վրա կազմվում են հաշվետվություններ, որոնք հետագայում ուղարկվում են մասնակից դպրոցներին: **Յուրաքանչյուր դպրոց ստանում է հաշվետվություն միայն իր մասնակից աշակերտների արդյունքների մասին, որտեղ անհատականացված տվյալներ չկան:**

3.2. Յուրաքանչյուր մասնակից գրանցման ժամանակ նշած էլ. հասցեին նամակ է ստանում, որով տեղեկացվում է իր վաստակած միավորի մասին: Էլ. հասցեն պետք է ճշգրիտ լինի. եթե մասնակիցը հարթակում գրանցվելիս էլ. հասցեն լրացնում ու պահպանում է վրիպակով, ապա դրա համար ինքն է պատասխանատու: Այդ դեպքում թեստի իր արդյունքները նա կարող է ուշ ստանալ, պատասխանների ստացման վերջնաժամկետից մինչև երկու ամիս ուշացմամբ:

3.3. Մրցույթի արդյունքների հավաստիության ու անկողմնակալության ապահովման համար պատասխանատու են թե՛ մասնակիցները, թե՛ կազմակերպիչները: Մասնակիցները պարտավորվում են աշխատել ինքնուրույն, առանց կողմնակի միջամտության և օգնության՝

հնարավորինս բացահայտելով սեփական ներուժը, ինչը տարեցտարի նրանց համար կապահովի մտքի և այնպիսի հմտությունների զարգացում, ինչպիսին են ժամանակի ճիշտ կառավարումը և ոչ ստանդարտ խնդիրների լուծումը: Ծնողներից ու ընտանիքի մյուս անդամներից մեր պահանջն է տալ մասնակցին ինքնադրսևորվելու և զարգանալու իրական հնարավորություն: Իր հերթին «Այբ»-ը երաշխավորում է գործընթացների կազմակերպման անաշառություն և անկողմնակալություն՝ նախևառաջ ապահովելով մրցույթի առաջադրանքների եզակիությունը և նախքան մրցույթի մեկնարկը դրանց գաղտնիությունը:

- 3.4. Եթե մասնակիցը ցանկանում է մրցույթի ավարտից հետո ստացվող արդյունքները բողոքարկել, պետք է ունենա իր արդյունքների հավաստիության հստակ ապացույցներ և դրանց հետ միասին դիմում ներկայացնի Էլեկտրոնային նամակով meghu@ayb.am և contests@ayb.am հասցեներին՝ կցելով այդ ապացույցները:
- 3.5. Պատասխանների համակարգչային մշակումից հետո ***կատարվում է տվյալ դպրոցի միևնույն տարիքային խմբի բոլոր աշխատանքների համադրում*** համընկնումների հայտնաբերման նպատակով: Արդյունքների ամփոփ ցանկերում համընկնող աշխատանքների կողքին կատարվում է «արտագրության կասկած» նշումը: Բոլոր մասնակիցների արդյունքների վերլուծությունից հետո «Այբ» կրթական հիմնադրամը որևէ կասկածի դեպքում ***իրավունք ունի անցկացնելու մրցույթի հավելյալ ստուգիչ փուլեր:***
- 3.6. Ստուգման և վերլուծության արդյունքում մրցույթի կանոնների կոպիտ խախտումների բացահայտման դեպքում «Այբ»-ն ***իրավասու է որակազրկելու*** (հանելու մասնակիցների ցուցակից կամ չեղյալ համարելու առանց որևէ փոխհատուցման) առանձին մասնակիցների: Այսպիսի որակազրկման կամ կանոնների կոպիտ խախտման վերաբերյալ «Այբ»-ը նամակ-նախազգուշացում է ուղարկում տվյալ մասնակցին՝ խնդրելով ձեռնարկել բոլոր միջոցները՝ կանոնների խախտումներն ապագայում բացառելու համար: Նույն մասնակցին երկու տարի անընդմեջ նամակ-նախազգուշացում ուղարկելու դեպքում «Այբ»-ը ստիպված կլինի մեկ տարով չթույլատրել այդ մասնակցին մասնակցել մրցույթին:
- 3.7. Մինչ արդյունքների հրապարակումը մրցույթի կազմակերպիչները պարտավոր են լրացուցիչ հանդիպում (թեստավորում, հարցազրույց) անցկացնել հավանական հաղթողների (հաղթողի միավորների շեմը հաղթահարած մասնակիցների) և լավագույն մրցանակի հավակնորդների հետ՝ վերահաստատելու վերջիններիս արդյունքները: Լրացուցիչ հանդիպման արդյունքում հավանական հաղթողը հավակնում է ճանաչվելու բացարձակ հաղթող, եթե լրացուցիչ հանդիպման ընթացքում տրված բոլոր հարցերին ու խնդիրներին տվել է ճիշտ պատասխաններ: Լավագույն արդյունք արձանագրած մասնակիցների և արդյունքների հավաստիության վստահությունը ապահովելու համար մասնակիցների հետ «Այբ» կրթական հիմնադրամն իրավասու է հավելյալ թեստ կամ ստուգիչ հանդիպում անցկացնելու՝ նրանց արդյունքները վերահաստատելու և վերջնական մրցանակակիրներին որոշելու համար: Լրացուցիչ հանդիպումների արդյունքների վերջնական հաստատումն արվում է «Այբ» կրթական հիմնադրամի կողմից, ինչի վերաբերյալ նամակ է ուղարկվում լրացուցիչ հանդիպման մասնակից աշակերտների դպրոցներին:
- 3.8. Բոլոր աշխատանքները պահվում են «Այբ»-ում մրցույթի անցկացման օրից հետո 4 ամիս: Մինչև այդ պահն ընդունվում են բողոքարկման հայտեր: Բողոքարկել կարող է ծնողը կամ դպրոցը այն դեպքում, եթե մասնակցի անունը չկա արդյունքների հաշվետվությունում կամ եթե կասկածի տակ է դրվում ստուգման ճշտությունը: ***Առաջադրանքների բովանդակության և/կամ պատասխանների տարբերակների ճիշտ կամ սխալ լինելու վերաբերյալ բողոքներ չեն***

ընդունվում, քանի որ առաջադրանքները և դրանց պատասխանների տարբերակները մշակում և ընդունում է «Մեղու» մրցույթի կազմակերպիչը:

3.9. *Մասնակից դպրոցների արդյունքները չեն համեմատվում*: Մրցույթից մոտ չորս ամիս հետո բոլոր դպրոցներին ուղարկվում են արդյունքների ամփոփ հաշվետվությունները, որոնցում տրվում են մասնակիցների մասին միայն ընդհանուր տեղեկություններ՝ առանց անհատական տվյալների: Հիշեցնում ենք՝ դպրոցը ստանում է տեղեկություն միայն իր աշակերտների արդյունքների վերաբերյալ:

4. Մրցանակաբաշխություն

- 4.1. Բոլոր մասնակիցների, մրցանակակիր հաղթողների մրցանակաբաշխությունը իրականացվում է մրցանակային ֆոնդից, որը ձևավորվում է մասնակցության վճարներից և հովանավորների միջոցներից: Բոլոր մասնակիցների համար նախատեսված են Էլեկտրոնային հավաստագրեր ու Էլեկտրոնային փոքրիկ հուշանվերներ:
- 4.2. Բոլոր լավագույն կարգի մրցանակակիրները ստանում են խրախուսական մրցանակներ և պատվոգրեր, իսկ մրցույթի հաղթողները՝ գլխավոր մրցանակ: Բոլոր մասնակից դպրոցները ստանում են մասնակցության Էլեկտրոնային հավաստագրեր:
- 4.3. Հաղթողները որոշվում են տվյալ տարվա բոլոր մասնակիցների արդյունքների ընդհանուր հաշվետվության արդյունքում: Գլխավոր մրցանակը սահմանում է «Այբ» կրթական հիմնադրամը՝ կախված տվյալ տարվա ընդհանուր արդյունքներից և հաղթողների թվից:

5. Մասնակցության վճար

- 5.1. Մրցույթի մասնակցության վճարը 970 ՀՀ դրամ է: Այդ գումարն օգտագործվում է բացառապես կազմակերպչական աշխատանքների և մրցանակների համար:
- 5.2. Մասնակցել ցանկացողները վճարումները կատարում են ՀՀ-ում «ՎՏԲ-Հայաստան» բանկի 16044015767700 հաշվեհամարին, իսկ Արցախում՝ «Արցախբանկի» 223171002460 հաշվեհամարին՝ բանկային մասնաճյուղերում կամ «Թելսել» (Telcell) և «Իզի Փեյ» (EasyPay) տերմինալների միջոցով. կարելի է վճարել նաև մրցույթի հարթակում առցանց վճարման միջոցով: Վճարում անելիս պետք է հայտնել վճարման նպատակը, աշակերտի անուն-ազգանուն-հայրանունը, դասարանը, դպրոցի անվանումն ու համայնքը: **Բանկային անդորրագրերը** կարող են դուրս գրվել ինչպես մեկ կամ մի քանի աշակերտի անունով, այնպես էլ՝ ըստ խմբային ցուցակների: **«Թելսել» և «Իզի Փեյ» տերմինալներով** վճարումը յուրաքանչյուր աշակերտի համար կատարվում է առանձին:
- 5.3. Մրցույթին մասնակցելու համար **վճարելը բավարար չէ**. աշակերտն անպայման պետք է անդորրագիրը ներկայացնի դպրոց և **ներառվի իր դպրոցի մասնակիցների ցուցակում կամ գրանցվի մրցույթի առցանց հարթակում նախապես ուղարկելով անդորրագրի Էլեկտրոնային տարբերակը** (Էլեկտրոնային կտրոն, նկար, լուսապատճեն և այլն) **contests@ayb.am, meghu@ayb.am** Էլ. հասցեներին:
- 5.4. Եթե աշակերտը չի մասնակցել մրցույթին (չկա դպրոցի վերջնական ցուցակում կամ չկա հարթակում վերբեռնված ցուցակում), ապա կարող է հետ պահանջել մասնակցության վճարը՝ դիմելով «Այբ» կրթական հիմնադրամին՝ մրցույթի օրից հաշված **մեկ ամսվա ընթացքում**: Գումարը կվերադարձվի բացառապես տվյալ աշակերտի ծնողին՝ վերջինիս դիմումի հիման վրա: Նշված ժամկետից հետո գումարը չի վերադարձվում:

6. Դպրոցի և մասնակիցների քայլերի հաջորդականություն

6.1. Դպրոցները մրցույթին մասնակցելու հրավերը ստանալուց հետո մինչև **մասնակցության հայտի ներկայացման վերջնաժամկետը** նախապատրաստվում են մրցույթին հետևյալ կերպ:

- Նշանակում են դպրոցում մրցույթի պատասխանատուին:
- հրազենում են աշակերտներին և նրանց ծնողներին մրցույթի և դրա անցկացման կարգի մասին՝ օգտագործելով դպրոցում կիրառվող էլեկտրոնային գործիքները (դպրոցի ֆեյսբուքյան էջ, դասարանների վայբերյան խմբեր, տեղեկատվության այլ միջոցներ):
- Ըստ անհրաժեշտության տպում և աշակերտներին բաժանում են բանկում վճարման կարգի հիշեցման թերթիկները, հիշեցնում նրանց վճարման անդորրագրերը դպրոց ներկայացնելու և դպրոցի ցուցակում գրանցվելու վերջնաժամկետի մասին:
- Հավաքում են աշակերտներից վճարման անդորրագրերը և նրանց գրանցում «Մասնակիցների ցուցակի» մինչև հայտարարված վերջնաժամկետը:
- «Մասնակիցների ցուցակի» հատուկ ձևը բեռնում են www.meghu.am կայքից կամ, կապվելով «Այբ» կրթական հիմնադրամի հետ, ստանում էլ. փոստով: Ցուցակը լրացվում է **բացառապես «Այբ»-ի տրամադրած էլեկտրոնային նիշքում (file)**, .xls ձևաչափով, Sylfaen տառատեսակով (Unicode): Նիշքն անվանվում է հետևյալ կերպ՝ «դպրոցի ծածկագիր.xls» (օրինակ՝ 1234567.xls):
- Բեռնում են **դպրոցի մասնակցության հայտի** ձևը www.meghu.am կայքից, լրացնում այն, տպում, ստորագրում, կնքում դպրոցի կնիքով և փաստաթղթի տեսածրված տարբերակը (scan) ուղարկում contests@ayb.am էլեկտրոնային հասցեին:



Խնդրում ենք նկատի ունենալ, որ աշակերտների վճարման անդորրագրերը դպրոց ներկայացնելու, դպրոցի ցուցակում գրանցվելու վերջնաժամկետը և դպրոցի մասնակցության հայտը ներկայացնելու վերջնաժամկետը տարբեր ամսաթվեր են:

6.2. Մինչև **հայտի ներկայացման վերջնաժամկետը** դպրոցները էլեկտրոնային նամակով contests@ayb.am էլեկտրոնային հասցեին ուղարկում են դպրոցի **մասնակցության փաթեթը**, որը ներառում է՝

- **մրցույթի մասնակցության հայտի** լրացված, ստորագրված, կնքված ձևի տեսածրված տարբերակը.
- «Մասնակիցների ցուցակի» էլեկտրոնային տարբերակը, **վճարման անդորրագրերի** (յուրաքանչյուր աշակերտի անունով) **էլեկտրոնային նմուշները** (էլեկտրոնային անդորրագիր, թղթային անդորրագրի լուսանկար կամ տեսածրված տարբերակ):



Հայտը չներկայացնելու կամ ուշացնելու դեպքում դպրոցը ՄՐՑՈՒՅԹԻՆ ՉԻ ՄԱՍՆԱԿՑՈՒՄ: Հայտը հիմք է դպրոցի մասնակցության վճարում կատարած աշակերտների ցուցակը մրցութային հարթակում տեղադրելու համար, որը հնարավորություն կտա նրանց գրանցվելու և մրցույթին մասնակցելու:

6.3. **Մրցույթին մասնակցել ցանկացողները**, դպրոցից կամ որևէ այլ աղբյուրից տեղեկանալով մրցույթի մեկնարկի մասին «Այբ» հիմնադրամի պաշտոնական հայտարարությանը, պետք է անեն ներքոբերյալը:

- Տեղեկացնեն դպրոցում մրցույթի պատասխանատուին, որ ցանկանում են մասնակցել մրցույթին:
- Մասնակցության համար վճարում կատարեն բանկում, վճարային տերմինալներով կամ առցանց բանկային համակարգով՝ **սահմանված ժամկետներում** (ժամկետների մասին տեղեկությունը կարելի է ստանալ դպրոցից կամ «Այբ» հիմնադրամից):
- Մասնակցության վճարի անդորրագիրը ներկայացնեն դպրոց, ներառվեն դպրոցի մասնակիցների ցուցակում կամ անմիջականորեն գրանցվեն մրցույթի առցանց հարթակում, որտեղից կարող են միանգամից առցանց վճարել:
- Համացանցին հասանելիություն ունեցող որևէ թվային սարքով գրանցվեն մրցույթի առցանց հարթակում: Գրանցման համար մասնակիցը պետք է ունենա գործող Էլ. հասցե (կարող է օգտվել ծնողի Էլ. հասցեից, սակայն պետք է հաշվի առնել, որ մեկ Էլ. հասցեով կարող է գրանցվել միայն մեկ մասնակից): Հետագայում գրանցման Էլ. հասցեն լինելու է մասնակցի **մուտքանունը**, իսկ **գաղտնաբառը** (նվազագույնը ութ նիշ՝ լատիներեն մեծատառ և փոքրատառ, նաև թվանշան) պետք է ճշգրիտ հիշել, որ հարթակ մուտք գործելիս խնդիրներ չառաջանան:
- Գրանցման ընթացքում համակարգն ուղղորդում է ծանոթանալու մրցույթի կանոններին և հաստատելու դրանց համաձայն լինելը:
- Գրանցման ավարտին համակարգն Էլ. նամակ է ուղարկում մասնակցի նշած Էլ. հասցեին՝ հավաստիանալու համար, որ տվյալ Էլ. հասցեն գործում է, ակտիվ է: **Այդ նամակը պետք է բացել, հաստատել դրա ստացումը:**
- Եթե մասնակիցը ճիշտ է կատարել գրանցման քայլերը, համակարգը նրան տանում է մի դաշտ, որտեղ նա տեսնում է իր անուն-ազգանունը և կարող է օգտվել հարթակի ընձեռած հնարավորություններից (նախքան մրցույթի օրը «Թեստեր» բաժնում հասանելի կլինի փորձնական թեստի նմուշ, որը կարելի է լրացնել, նշել պատասխանները):
- Մրցույթի օրը մինչև մրցույթի մեկնարկը հարթակում գրանցված յուրաքանչյուր մասնակից իր մուտքանունով (գրանցման ժամանակ նշած Էլ. հասցե) և գաղտնաբառով մուտք է գործում հարթակ:
- **ՈՒՇԱԴՐՈՒԹՅՈՒՆ:** Մրցույթի ընթացքում եթե նույն մասնակիցը մեկից ավելի սարքերով է մուտք գործում, համակարգն այդ մուտքերը կասկածելի է համարում, և մասնակցի հետագա աշխատանքը հարթակում խափանվում է:
- Մրցույթի մեկնարկից հետո հարթակի «Թեստեր» բաժնում ընտրելով «Անցնել թեստը» հրահանգը՝ մասնակիցն իր էջում տեսնում է իր տարիքային խմբի առաջադրանքները. **այդ պահից սկսվում է մրցութային ժամանակի՝ 75 րոպեի հետհաշվարկը:**
- Լուծելով առաջադրանքը՝ մասնակիցը նշում է այն պատասխանը, որը ճիշտ է համարում: Յուրաքանչյուր առաջադրանքի համար պատասխանների առաջարկվող հինգ տարբերակից ճիշտ է միայն մեկը, և պետք է նշել միայն մեկ տարբերակ: Երկու կամ ավելի տարբերակներ նշելու դեպքում առաջադրանքը համարվում է չկատարված:
- Թեստի հետ աշխատանքը վերջացնելուց հետո մասնակիցը սեղմում է «Հաստատել» կոճակը վերջին առաջադրանքի ներքևում, որից հետո թեստը փակվում է և այլևս հասանելի չի լինում փոփոխությունների համար: Այդ իսկ պատճառով **ՉԻ ԿԱՐԵԼԻ անավարտ աշխատանքը հաստատել:**

- Սակայն եթե ժամանակը սպառվել է, ինչի պատճառով թեստը դարձել է անհասանելի, պետք չէ անհանգստանալ. **Նշված պատասխանները պահպանվում են և ենթակա են ստուգման:**
- Հարթակում աշխատելիս խիստ ցանկալի է չծանրաբեռնել տան համացանցային կապը այլ սարքերով տեսանյութ դիտելով, առցանց խաղերով կամ մեծածավալ նյութեր բեռնելով: Համացանցային հնարավոր խափանումներից խուսափելու համար այդ 75 րոպեի ընթացքում նախատեսեք միայն հարթակի օգտագործումը:

6.4. Բողոքարկումների դիմումները (ներկայացվում են դպրոցների և ծնողի կողմից) ընդունվում են «Այբ» կրթական հիմնադրամում մրցույթի անցկացման օրից հետո 4 ամիս:

